

UNIVERZITET U TUZLI
Broj: 01-41-JN-12/26 LOT 1
Tuzla, 08.04.2026. godine

Na osnovu člana 70. Zakona o javnim nabavkama BiH («Službeni glasnik BiH» broj: 39/14, 59/22 i 50/24) i člana 64. stav (1) tačka r. Statuta JU Univerziteta u Tuzli - prečišćeni tekst, a nakon razmatranja Zapisnika o pregledu i ocjeni ponuda, broj: 01-41-JN-11/26 LOT 1 od 03.04.2026. godine, po punomoći Rektora Univerziteta u Tuzli, broj: 01-6591-14/25 od 18.09.2025. godine, Direktor za ekonomske poslove, *donio je*

ODLUKU O IZBORU NAJPOVOLJNIJEG PONUĐAČA

I

U otvorenom postupku javne nabavke računarske opreme (LOT 1), provedenom u cilju realizacije projekta RDBiH, izabran je najpovoljniji ponuđač INGEL d.o.o. Tuzla, sa ukupnom cijenom u iznosu od 57.300,00 KM (bez PDV-a) odnosno 67.041,00 KM (sa PDV-om), te se istom dodjeljuje ugovor o javnoj nabavci roba.

II

Ponuda ponuđača iz tačke I ove Odluke odabrana je iz razloga što u svemu zadovoljava uslove postavljene u Tenderskoj dokumentaciji i zbog toga što nakon održane E-aukcije ima najnižu ponuđenu cijenu.

III

Ponuđač iz tačke I ove Odluke obavezan je da u roku od 5 (pet) dana od dana prijema ove Odluke, dostavi original ili ovjerene kopije svih uvjerenja/potvrda kojim se dokazuje vjerodostojnost date Izjave iz člana 45. stav (2) tačka a) do d) Zakona o javnim nabavkama BiH.

Prema odredbi člana 72. stav (3) tačka a) Zakona, ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača, u slučaju da najuspješniji ponuđač propusti dostaviti originale ili ovjerene kopije dokumenata iz člana 45. Zakona u roku iz prethodnog stava.

IV

Ova Odluka se objavljuje na internetskoj stranici Univerziteta u Tuzli (www.untz.ba) istovremeno s upućivanjem odluke ponuđačima koji su učestvovali u postupku javne nabavke.

O b r a z l o ž e n j e

Ugovorni organ Univerzitet u Tuzli pokrenuo je otvoreni postupak javne nabavke računarske opreme (LOT 1) u cilju realizacije projekta RDBiH, broj: 01-41-JN-2/26 od 09.02.2025. godine, koji je objavljen na Portalu javnih nabavki, obavještenje broj: 795-1-1-52-3-55/26 od 01.02.2026. godine, a sažetak u „Službenim novinama BiH” broj: 11/26 od 13.02.2026. godine i WEB stranici Univerziteta.

U ostavljenom roku ponudu su dostavila tri ponuđača: EMADO d.o.o. Sarajevo,, FIXIT d.o.o. Sarajevo i INGEL d.o.o. Tuzla.

Analizom ponude ponuđača FIXIT d.o.o. Sarajevo utvrđeno je da ponuda sadrži sve kvalifikacione dokaze zahtijevane tenderskom dokumentacijom, ali ponuđena oprema nije u skladu sa zahtijevanim tehničkim karakteristikama, kako slijedi:

- Stavka 1. Server. Ponuđeni model servera je DELL EMC PowerEdge, R760XS, Intel Xeon Silver 4510. Obzirom da Ponuđač nije napisao jedinstvenu oznaku modela DELL servera koji je ponuđen, nije ni moguće utvrditi tačnu konfiguraciju servera. U tenderskoj dokumentaciji

je specificirano da je ponuđač dužan u okviru ponude (Obrazac za cijenu ponude) priložiti jedinstvenu oznaku modela uređaja koji se nudi kako bi bilo moguće nedvosmisleno utvrditi tačno o kojem ponuđenom uređaju se radi.

U samom obrascu za cijenu ponude nije navedeno koji modeli gigabitnog i optičkog porta su ponuđeni, odnosno koji modeli kartica za proširenje opcija servera su ponuđeni. U ostatku dokumentacije su dati opći katalogi za ove elemente, ali u Obrascu za cijenu ponude nije naveden niti jedan model sa svojom jedinstvenom oznakom modela pa stoga nije niti moguće jednoznačno utvrditi koji model opreme ponuđač konkretno nudi.

- Stavka 4. Laptop računar. Ponuđeni model laptop računara je Lenovo ThinkBook 16 G9 IRL, Intel Ultra 7 240H, Win 11 64 bit ENGL, MS Office Home 2024. Ponuđač nije naveo jedinstvenu oznaku za ponuđeni računar (Product number). Komisija je pregledala i dostavljeni katalog za Ponuđeni uređaj i utvrdila sa iste ne ispunjava minimalne tehničke karakteristike koje su tražene tenderskom dokumentacijom. Ovaj ponuđeni model računara nema predinstaliran operativni sistem. U tenderskoj dokumentaciji kao i u obrascu za cijenu ponude je striktno navedeno da operativni sistem mora biti predinstaliran na računaru od strane proizvođača. Čak i u samom ponuđenom katalogu piše da računar nema predinstaliran operativni sistem.

-Stavka 5. Dell Pro Tower Essential QVT1260, i5 14400. Ponuđeni model računara ne ispunjava minimalne tehničke karakteristike. Ponuđeni model računara, prema katalogu proizvođača, se isporučuje ide sa predinstaliranim Ubuntu operativnim sistemom koji je besplatni a ne komercijalni operativni sistem. Dodatno, Ponuđač je u svojoj ponud naveo da se ponuđeni računar isporučuje Windows 11 operativnim sistemom kao i MS Office Home 2024 programskim paketom. U tenderskoj dokumentaciji, odnosno u obrascu za cijenu ponude, striktno je navedeno da operativni sistem mora biti predinstaliran na računare od strane proizvođača kao i da je komercijalnog tipa. Međutim, ovako kako je Ponuđač naveo, a obzirom da je na računare već predinstaliran Ubuntu operativni sistem, to bi značilo da će Ponuđač uraditi instalaciju Windows 11 operativnog sistema, a što nije u skladu sa zahtjevima postavljenim u tenderskoj dokumentaciji.

-Stavka 6. Dell Monitor SE2425HM. Ponuđeni model monitora ne ispunjava minimalne tehničke karakteristike i to u sljedećem: Nema Display Port. (Traženo je: VGA, HDMI i Display Port). Ne isporučuje se Display kabal (Isporučuje se samo sa HDMI kablom).

- Stavka 7. HP LaserJet Enterprise MFP M431FDW. Ponuđeni uređaj ne ispunjava minimalne tehničke karakteristike i to u sljedećem: ponuđen Processor speed 800 MHz a traženo je 1200 MHz. Stavka 7. A1 Ponude. Zatim, traženo je vrijeme do prve štampe 5.5 sekundi i manje. Ponuđeno je 6.5 sekundi. Stavka 7. A7 Ponude. Tražena brzina skeniranja crno-bijelo, jednostrano minimalno treba 50 str/min i dvostrano 70 str/min. Ponuđeni uređaj nudi maksimalne brzine od 46 str/min. Stavka 7. A11 Ponude.

U skladu sa prethodno navedenim, Komisija je konstatovala da ponuda FIXIT d.o.o. Sarajevo ne ispunjava minimalne tehničke karakteristike u skladu sa tenderskom dokumentacijom te je kao takva ocijenjena nepravilnom, zbog čega se odbacuje.

Ponude ponuđača EMADO d.o.o. Sarajevo i INGEL d.o.o. Tuzla sadrže sve kvalifikacione dokaze zahtijevane tenderskom dokumentacijom i opremu u skladu sa traženim minimalnim karakteristikama, zbog čega su njihove ponude ocijenjene prihvatljivim.

Prihvatljive ponude kvalifikovanih ponuđača unesene su u sistem e-Nabavke na Portalu javnih nabavki da bi se iste vrednovale u odnosu na zadani kriterij odabira "najniža cijena", u skladu sa Pravilnikom o uslovima i načinu korištenja e-aukcije ("Službene novine BiH" broj: 80/23) i tenderskom dokumentacijom.

Nakon uspješno okončane e-aukcije i u skladu sa Izvještajem o toku i završetku e-aukcije od 03.04.2026. godine sačinjena je slijedeća rang lista ponuda po povoljnosti:

1. INGEL d.o.o. Tuzla, sa ponuđenom cijenom u iznosu od 57.300,00 KM bez PDV-a.
2. EMADO d.o.o. Sarajevo, sa ponuđenom cijenom u iznosu od 57.390,00 KM bez PDV-a.

Budući da je ponuda ponuđača INGEL d.o.o. Tuzla prihvatljiva i u skladu sa zahtjevima iz tenderske dokumentacije, to je Komisija predložila da se ponuđaču koji je ponudio najpovoljniju ponudu nakon sprovedene e-aukcije, u skladu sa kriterijem za dodjelu ugovora "najniža cijena", dodijeli ugovor o javnoj nabavci.

Cijeneći izneseno, te činjenicu da su u ovom postupku javne nabavke zadovoljeni svi principi utvrđeni Zakonom o javnim nabavkama BiH, po punomoći Rektora Univerziteta u Tuzli, Direktor za ekonomske poslove prihvatio je prijedlog Komisije i odlučio kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba URŽ-u putem ugovorog organa Univerziteta u Tuzli u roku od deset (10) dana od dana njenog prijema, na adresu dr. Tihomila Markovića br.1.

Prilog:

- Zapisnik o pregledu i ocijeni ponuda broj:
01-41-JN-11/26 LOT 1 od 03.04.2026. godine



DIREKTOR
ZA EKONOMSKE POSLOVE

Alden Osmanbegović, dipl.ecc.

DOSTAVITI:
1x učesnicima
1x WEB portal
1x a/a